

**Pelajar India Mahu Kerajaan Kembalikan Sistem Kuota Bagi Kemasukan Universiti Awam - 1MISM**  
**Bernama**  
**30 Julai, 2012**

CYBERJAYA, 30 Julai (Bernama) -- Mahasiwa yang menghadiri Sidang Kemuncak Pelajar India 1Malaysia bersetuju sebulat suara agar pembuat dasar mengembalikan sistem kuota bagi meningkatkan kemasukan penuntut India ke universiti awam.

Presiden 1Malaysia Indian Student Movement (1MISM) D. Mahaganapathy berkata pelajar berpandangan sejak sistem meritokrasi diperkenalkan enam tahun lepas, jumlah pengambilan penuntut India ke universiti awam menurun dengan ketara terutama untuk fakulti perubatan, pergigian, farmasi dan kejuruteraan.

Hanya tahun ini jumlah pelajar perubatan meningkat kepada 90 orang berbanding 55 tahun lepas, katanya.

"Di bawah sistem kuota, penuntut India diperuntukkan hampir 10 peratus tempat di universiti awam, namun di bawah sistem merit tidak sampai tiga peratus, " katanya kepada pemberita selepas penutupan sidang kemuncak itu, di sini malam Ahad.

Sidang kemuncak tiga hari anjuran 1MISM itu disertai 600 mahasiswa dari 31 universiti awam dan 11 kolej swasta dari seluruh negara. Penutupan dilakukan Setiausaha Agung MIC Datuk S. Murugesan.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=684137>





